

Nsiku ya me tala kukonda kukwisa na ksalu mpi congé na manaka ya luyantiku

Bansiku ya kukonda kukwisa na ksalu ya manaka ya luyantiku ke wakana mingi ti bansiku ya bo ke sadilaka na mambu ya ksalu. Katula kaka nde, nge lenda baka ve congé ya ntangu fioti sambu na maladi. Na yina me tala bansiku ya congé, kele ti bangidika ya nkaka ya bo me sala sambu na bantu ya kele na manaka ya luyantiku mpi bansiku yango me swaswana ti bansiku ya bo ke sadilaka na mambu ya ksalu.

Kana nge ke bela, fwete zabisa kukonda kusukinina kisika ya ksalu, longi na nge to mfumu na nge sambu bo pesa muntu ya nkaka ksalu yina nge ta sala ve na ntangu yina. Kana bo me pesa nge nswa ya kukwisa ve na ksalu, nge kele ti nswa ya kubaka lusadisú na manaka oyo. Kana nge ke sadilaka ve kudindimisa mpi nge kele ve ti mpila ya kusonga mukanda ya munganga to bo me pesa nge ve conge, bo ta baka lusadisú na nge na bangunga to bilumbu yina nge salaka ve. Bo ta tubaka nde nge tinaka kukonda nswa to kukonda mukanda ya ke ndimisa yo. Kukonda kukwisa kuzanga nswa lenda sala nde nge vanda diaka ve ti nswa ya kuvukana na manaka ya luyantiku mpi bo pesa nge diaka ve lusadisú.

Maladi

Na kutadila mukanda na nge mosi to mukanda ya munganga, nge lenda kwisa ve na manaka ya luyantiku kana maladi to mputa nge ke kanga nge nzila ya kuvukana. Nge lenda sadila mukanda na nge mosi kana nge sonikila mfumu, centre ya luyantiku, ndongisi to longi ya manaka sambu na kusonga yandi nde nge ke bela.

- Nge kele ti nswa ya kusadila mukanda na nge mosi kana nge me vukana dezia na manaka ya luyantiku na nsungi ya bamposo 8. Na bamposo 8 ya ntete, nge fwete vanda ti mukanda ya munganga kana nge ta kuka ve kukwisa na manaka sambu nge ke bela.
- Nge lenda sadila mukanda na nge mosi mbala 4 na nsungi ya bangonda 12. Konso ntangu ya nge ke sadila mukanda na nge mosi, nge lenda sadila yo sambu na bilumbu tatu.
- Kana nge ke bela bilumbu kuluta 3, nge fwete nata mukanda ya munganga. Yo kele mutindu mosi kana nge ke bela mpi nge me sadilaka dezia mukanda na mosi mbala 4 na nsungi ya bangonda 12.

Kana nge kele ti mwana mosi to bana zole, nge lenda bikala na nzo bilumbu kiteso ya 10 kana mwana mosi ke bela na nsungi ya bangonda 12.

Kana nge ke ti bana kuluta zole, nge kele ti nswa ya kuvukana ve na manaka bilumbu 15 kana mwana mosi ke bela na nsungi ya bangonda 12.

Kana nge mpamba muntu ke kebaka mwana mosi, nge kele ti nswa ya bilumbu 20 ya conge kana nge kele ti mwana mosi to bana zole mpi bilumbu 30 ya conge kana nge kele ti bana kuluta zole.

Kana nge kele ti mwana yina ke belaka maladi ya ke manaka ve to ke ti kifu na niut mpi yo kele kigonsa ya nene kana nge kele ve ti yandi, nge kele ti nswa ya conge ya bilumbu 20 na

nsungi ya bangonda 12. Kana nge mpamba ke kebaka yandi, ntalu ke mata tii na bilumbu 40.

Bo ke tubaka nde muntu mosi ya ke vukana, yandi mpamba muntu ke kebaka mwana kana kibuti ya nkaka ya mwana yina me kebaka yandi ve na nsungi ya nda sambu kibuti yango kele ti kifu na nitu, me kotaka lopitalo to sambu na bikuma ya mutindu mosi.

Beto ke sadilaka mpi banswa yai kana muntu ya ke sadisaka nge na kukeba bana ke bela.

Kana nge me kwisa ve bilumbu kuluta 3, mfumu lenda lomba nge mikanda ya mwana na nge ya ke bela to ya muntu ya ke sadisaka nge na kukeba bana yina ke bela mpi mukanda ya munganga.

Conge na manaka ya luyantiku

Conge sambu nge kele ti divumu

Kana nge kele ti divumu, nge kele ti nswa ya kubaka kuvukana ve na manaka ya luyantiku mpi nge ta baka lusadisu ya luyantiku na yina me tala ba rendez-vous na ntwala ya munganga, kana nge lenda kwenda ve na rendez-vous na bangunga yina manaka ke vandaka ve. Ntangu nge kele na divumu, nge kele ti nswa ya kuvukana ve na manaka ya luyantiku mpi nge ta baka lusadisu tii na bilumbu kumi.

Conge sambu na kunwisa bebe

Kana nge ke nswa bebe, nge kele ti nswa ya kubaka ngunga mosi ya conge konso kilumbu na mvula ya ntete ya mwana yina mpi nge ta vanda ti nswa ya kubaka lusadisu ya luyantiku.

Congé na lusadisu ya luyantiku sambu na kubuta mpi kukumisa muntu mwana

Na nima ya kubuta, bibuti yina ke vukana na manaka ya luyantiku kele ti nswa ya kubaka congé sambu na mavimpi tii na bangonda kumi na mvula ya ntete ya mwana.

Mfumu ta landila makambu na nge mpi malongi ya ndinga ya Norvege to formation ya mambu ya ndinga kana kele na congé sambu na mavimpi na nima ya kubutuka ya mwana to kukumisa muntu mwana. Mambu yina mfumu ta pesa nge ta yantika banda na ngonda ya iya ya conge mpi bo fwete wakanisa yo ti luzingu na nge.

Kana nge me kumisa muntu mwana, bibuti yina me kumisa muntu mwana na bo mpi yina ke vukana na manaka ya luyantiku kele ti nswa ya congé ya mavimpi tii na bangonda kuna, kana mwana yango me lungisa ntete ve bamvula 15.

Kana bibuti yonso zole ke vukana na manaka ya luyantiku, papa ta baka bilumbu 75 mpi mama ta baka bilumbu 75. Kana papa me sadila ve bilumbu na yandi ya congé, bo ta katula bilumbu yina. Beto ta sadila ve ngidika yai kaka kana papa, sambu yandi ke bela to ke ti mputa, lenda sala ve mambu yandi mosi to ke ti mfunu ya lusadisu sambu na kukeba mwana to yandi me kota na lopitalo. Beno fwete vanda ti mukanda ya munganga ya ke ndimisa yo.

Congé

Nge lenda lomba mfumu sambu na kubaka congé sambu na mambote na nge, mu mbandu, kana nge kele ti rendez-vous ti munganga to munganga ya meno, nge ke kwenda kusala interview sambu bo baka nge na kisalu to sambu na bikuma ya nkaka. Nge lenda lomba mpi congé sambu na mambote na nge kana bana me yantika kukwenda na nzo-nkanda, kana muntu mpangi mosi ya dibuta me fwa, mpi buna na buna. Nge lenda baka bansangu mingi na yina me tala congé ya mutindu yai na ndongisi ya manaka.

Na kutadila mukanda ya munganga, nge lenda lomba nswa ya kukwisa ve na manaka ya luyantiku kana nge mosi to mwana na nge ke bela maladi ya ke baka bangonda mingi. Kana mambu kele mutindu yina, bo lenda pesa nge congé tii na mvula mosi kukonda bo pesa nge lusadis.

Bilumbu ya congé mpi bafeti

Bantu yonso ya ke vukana kele ti nswa ya kubaka congé na manaka na luyantiku na bilumbu yonso ya Mposo mpi ya Lumingu.

Bilumbu yai ya me landa kele bafeti ya bantu yonso na Norvege, yo ke tendula nde bantu ya ke vukana ta vanda na congé: Le 1 mpi 7 mai, Mvula ya Mpa, Kiya ya Santu, Kitanu ya santu, Kintete ya Paki, Kilumbu ya Kutombuka, Kintete ya Pantekoti, Kilumbu ya Noël mpi Kilumbu ya Kupesa Bakado.

Kana nge ke vandaka ti bafeti ya lusambu katula bafete yai ya beto me tubila, nge ke ti nswa ya kubaka congé na manaka ya luyantiku ti lusadis ya luyantiku, nge lenda baka bilumbu zole ya nge mosi me pona konso mvula sambu na bafeti yina beto ke salaka na dibundu na beno. Nge fwete zabisa mfumu kiteso ya bilumbu 14 na ntwala ya kilumbu yina nge ke lomba kubaka congé.

Bilumbu ya congé

Konso mvula, nge kele ti nswa ya kubaka congé ya bilumbu 25. Mfumu muntu fwete tuba ntangu nge ta baka congé na nge. Nge ke ti nswa ya kubaka lusadis ya luyantiku ntangu nge kele na congé.